



玉臺新詠目錄卷之三

阮籍

詠懷詩 二首

傅玄

青青河畔草篇

苦相篇

有女篇

朝時篇

明月篇

秋蘭篇

西長安行

和秋胡行

張華

情詩 五首

雜詩 二首

潘岳

內頌詩 二首

悼亡詩 二首

石崇

王昭君辭 并序

左思

嬌女詩

陸機

擬行行重行行

擬迢迢牽牛星

擬明月何皎皎

擬蘭若生朝陽

擬東城一何高

擬庭中有奇樹

擬青青河畔草

擬涉江採芙蓉

為顧彥先贈婦 一首

周夫人贈車騎

艷歌行

前後聲歌

塘上行

陸雲

為顧彥先贈婦 二首

張協

雜詩

楊方

合歡詩 二首

雜詩 三首

王鑑

七夕觀織女

李充

嘲友人

曹昆

夜聽擣衣

陶潛

擬古詩

玉臺新詠目錄卷之三 終

玉臺新詠卷之三

東海徐陵編

吳興茅元禎重校

詠懷詩 二首

阮籍

其一

二妃遊江濱逍遙從風翔文甫解環珮婉孌有
芬芳猗靡情歡愛千載不相忘傾城迷下蔡容
好結中腸感激生憂思萱草樹蘭房膏沐為誰
施其雨怨朝陽如何金石交一旦更離傷

其二

昔日繁華子安陵與龍陽天天桃李花灼灼有
輝光悅懌若九春磬折似秋霜涼矜茲媚姿言
笑吐芬芳攜手等歡愛宿昔同衾裳願為雙飛
鳥比翼共翱翔丹青著明誓永世不相忘

青青河邊草篇

傅玄

青青河邊草悠悠萬里道草生在春時遠道還
有期春至草不生期盡歎無聲感物懷思心夢
想茲中情夢君如鴛鴦比翼雲間翔既覺寤無
見曠如參與商夢君結同心比翼游北林既覺

寂無見曠如商與參河洛自用固不如中岳安
回流不及迓浮雲往自還悲風動思心悠悠誰
知者懸景無停居忽如馳駟馬傾耳懷音響轉
目淚雙墮生存真會期要君黃泉下

苦相篇

苦相身為女卑陋難再陳男兒當門戶墮地自
生神雄心志四海萬里望風塵女育無欣愛不
為家所珍長大逃深室蔽頭羞見人垂淚適他
鄉忽如雨絕雲低頭和顏色素頰結朱唇跪拜

無復數婢妾如嚴賓情合雙雲漢葵藿仰陽春
心乖甚水火為惡集其身玉顏隨年變丈夫多
好新昔為形與影今為胡與秦胡秦時相見一
絕踰參辰

有女篇

有女懷芬芳提提步東廂蛾眉分翠羽明目
清揚丹唇翳皓齒秀色若珪璋巧笑露權靨衆
媚不可詳容儀希世出無乃古毛嬙頭安金步
搖耳繫明月璫珠環約素腕翠爵垂鮮光文袍

綴藻黼玉體映羅裳容華既以艷志節擬秋霜
徽音冠青雲聲響流四方妙哉美媛德宜配侯
與王靈應萬世合日月時相望媒氏陳東帛羔
雁鳴前堂為兩盈中路起若鸞鳳翔凡夫徒踴
躍望絕殊參商

朝時篇

昭昭朝時日皎皎晨明月十五入君門一別終
華髮同心忽異離曠若胡與越胡越有會時參
辰遠且闊形影雖髣髴音聲寄無達織紵感後

玉臺雜言 卷之三
柱觸之哀聲發情思如循環憂來不可遏塗山
有餘恨詩人詠採葛蜻蛚吟牀下回風起幽闈
春榮隨露落芙蓉生木末自傷命不遇良辰永
乖別已爾可奈何辭如紈素裂孤雌翔故巢星
流光景絕鬼神馳萬里甘心要同穴

明月篇

皎皎明月光灼灼朝日輝昔為春蚕絲今為秋
女衣丹唇列素齒翠彩簇蛾眉嬌子多好言歡
合易為姿玉顏盛有時秀色隨年衰常恐新聞
舊變故興細微浮萍無根本非水將何依憂喜
更相接樂極還自悲

秋蘭篇

秋蘭蔭玉池池水清且芳美容隨風蕪中有雙
鴛鴦雙魚自踴躍兩鳥時回翔君期歷九秋與
妾同衣裳

西長安行

所思兮何在乃在西長安何用存問妾香橙雙
珠環何用重存問羽爵翠琅玕今我兮聞君更

玉臺雜言 卷之三
有兮異心香亦不可燒環亦不可沉香燒日有
歌環沈日自深

和秋胡行

秋胡納令室三日宦他鄉皎皎潔婦姿冷冷守
空房嫵婉不終夕別如參與商憂來猶四海易
感難可防人言生日短愁者苦夜長百草揚春
華攘腕採柔柔素手尋繁枝落葉不盈筐羅衣
翳玉體迴目流彩章君子倦任歸車馬如龍驤
精誠馳萬里既去兩相忘行人悅令色借息此

路傍誘以逢卿喻遂下黃金裝烈烈貞女忿言
辭厲秋霜長驅及居室奉金升此堂母立呼婦
來歡情樂未央秋胡見此婦惕然懷探湯負心
豈不慙永誓非所望清濁自異源鳧鳳不並翔
引身赴長流果哉潔婦腸彼夫既不泚此婦亦
太剛

情詩 五首

張華

其一

北方有佳人端坐鼓鳴琴終晨撫管弦日夕不

成音憂來結不解我思存所欽君子尋時役幽
妾懷苦辛初為三載別於今久滯淫昔耶生戶
牖庭內自成陰翔鳥鳴翠隅草虫相和吟心悲
易感激俛仰淚流衿願託晨風翼東帶侍衣衾

其二

明月曜清景曦光照玄墀幽人守靜夜迴身入
空惟束帶俟將朝廓落晨星稀寢假交精爽覲
我佳人姿巧笑媚歡靨聯娟眸與眉寐言增長
歎悽然心獨悲

其三

清風動帷簾晨月燭幽房佳人處遐遠蘭室無
容光衿懷擁虛景輕衾覆空牀居歡惜夜促在
感怨宵長撫枕獨吟嘆綿綿心內傷

其四

君居北海陽妾在江南陰懸邈備塗遠山川阻
且深承歡注隆愛結分投所欽銜恩薦守義萬
里託微心

其五

遊目四野外逍遙獨延佇
蘭蕙緣清渠繁華蔭
綠渚佳人不在茲
取此欲誰與巢居覺風寒
况處識陰雨未曾遠
別離安知慕儔侶

雜詩 二首

其一

逍遙游春空容與綠池阿
白蘋開素葉朱草茂
丹華微風搖蒹若層波動
芰荷榮彩曜中林
流馨入綺羅王孫游不歸
脩路邈以遐誰與翫
遺芳佇立獨咨嗟

其二

荏苒日月運寒暑忽流易
同好逝不存迢迢遠
離析房櫳自來風戶庭無
行迹蒹葭生林下蛛
蝥網四壁懷思豈不隆
感物重鬱積游雁比翼
翔歸鴻知接翻來哉
彼君子無愁徒自隔

肉頌詩 二首

潘岳

其一

靜居懷所懼登城望四澤
春草鬱青青桑柘何
奕奕芳林振朱榮
淶水激素石初征冰
未泮忽

然衿締綌漫漫三千里迢迢遠行客馳情戀朱
顏寸陰過盈尺夜愁極清晨朝悲終日夕山川
信悠永願言良弗獲引領訊歸雲沈思不可釋

其二

獨悲安所慕人生若朝露綿邈寄絕域眷戀想
平素爾情既來追我心亦還頽形體隔不達精
爽交中路不見山下松隆冬不易故不見澗邊
柏歲寒守一度無謂希見疎在遠分彌固

悼亡詩

二首

其一

荏苒冬春謝寒暑忽流易之子歸窮泉重壤永
幽隔私懷誰克從淹留亦何益儷俛恭朝命廻
心返初役望廬思其人入室想所歷幃屏無髣
髴翰墨有餘迹流芳未及歇遺挂猶在壁悵恍
如或存周遑忡驚惕如彼翰林鳥雙棲一朝隻
如彼游川魚比目中路析春風緣隙來晨雷依
簷滴寢息何時忘沈憂日盈積庶幾有時哀莊
缶猶可擊

其二

皎皎窓中月照我室南端清商應秋至溽暑隨
節闌凜凜涼風升始覺夏衾單豈曰無重纊誰
與同歲寒歲寒無與同朗月何朧朧展轉眄枕
席長簟竟牀空牀空委清塵室虛來悲風獨無
李氏靈彷彿覩爾容撫衿長歎息不覺涕沾曾
沾胸安能已悲歎從中起寢興目存形遺音猶
在耳上慙東門吳下愧蒙莊子賦詩欲言志零
落具難紀命也可奈何長歲自令鄙

王昭君辭

并序

石崇

王明君者本名王昭君以觸文帝諱故改匈奴
奴盛請婚於漢元帝詔以後宮良家子明君
配焉昔公主嫁烏孫令琵琶馬上作樂以慰
其道路之思其送明君亦必爾也其新造之
曲多哀聲故敘之于帝云爾

我本漢家子將適單于庭辭決未及終前驅已
抗旌僕御涕流離轅馬悲且鳴哀鬱傷五內泣
淚沾朱纓行行日已遠遂造匈奴城延我于窮

廬加我關氏名殊類非所安雖貴非所榮父子
見凌辱對之慙且驚殺身良未易默默以苟生
苟生亦何聊積思常憤盈願假飛鴻翼乘之以
遐征飛鴻不我顧佇立以屏營昔為匣中玉今
為糞上英朝華不足歡甘與秋草并傳語後世
人遠嫁維為情

媯女詩

左思

吾家有媯女皎皎頗白皙小字為織素口齒自
清歷鬢髮覆廣額雙耳似連璧明朝弄梳臺黛

眉類掃迹濃朱衍丹脣黃吻瀾湯赤媯女若連
瑣忿速乃明愷握筆利彤管篆刻未期益執書
愛綈素誦習矜所獲其姊字惠芳兩目燦如畫
輕粧喜樓邊臨鏡忘績紡舉解擬京兆立的成
復易玩弄眉頰間劇兼機杼後從容好趙舞延
袖像飛翻上下弦柱際文史輒卷襞願盼屏風
畫如見已指摘丹青日塵闇明義為隱蹟馳驚
翔園林菓下皆生摘紅葩掇紫蒂萍實驟抵擲
貪華風雨中倏忽數百適務躡霜雪戲重綦常

三才圖會
卷之三
累積并心注肴饌端坐理盤榻翰墨戢閒按相
與數離逝動為鑪鉦屈屣履任之適止為茶并
據吹噓對鼎鑿脂膩滂白袖烟薰染阿錫衣破
皆重施雞與沈水碧任其孺子意羞受長者責
警聞當與杖淚淹俱向壁

擬行行重行行

陸機

悠悠行邁遠戚戚憂思深此思亦何思思君微
與音音微日夜離緬邈若飛沉王鮪懷河岫晨
風思北林遊子眇天末還期不可尋驚飈塞反
信歸雲難寄音佇立想萬里沈憂萃我心攬衣
有餘帶循形不盈衿去去遺情累安處撫清琴

擬迢迢牽牛星

昭昭清漢暉粲粲光天少牽牛西北迴織女東
南頽華容一何冶揮手如振素怨彼河無梁悲
此年歲暮跂彼無良緣睨焉不得度引領望大
川雙涕如沾露

擬明月何皎皎

安寢北堂上明月入我牖照之有餘暉攬之不

盈手涼風繞曲房寒蟬鳴高柳踟躕感節物我
行永已久游宦會無成離思難常守

擬蘭若生朝陽

嘉樹生朝陽凝霜封其條執心守時信歲寒終
不彫美人何其曠灼灼在雲霄隆想彌年月長
嘯入飛颺引領望天末辭彼向陽翹

擬東城一何高

西山何其峻曾曲鬱崔嵬零露彌天墜蕙葉憑
林衰寒暑相因鬢時逝忽如頽三閭結飛轡大

嗟嗟落暉曷為牽世務中心若有違京洛多妖
麗玉顏倅瓊粧閒夜撫鳴琴惠音清且悲長歌
赴後節哀響逐高微一唱萬夫歎再唱梁塵飛
思為河曲鳥雙游豐水湄

擬庭中有奇樹

歡文蘭時往迢遞匿音微虞淵引絕景四節逝
若飛芳草久已茂佳人竟不歸躑躅遵林渚惠
風入我懷感物戀所歡採此欲貽誰

擬青青河畔草

靡靡江離草耀耀生河側皎皎彼姝女阿那當
軒織粲粲妖容姿灼灼華美色良人游不歸偏
栖常隻翼空室來悲風中夜起歎息

擬涉江採美容

上山採瓊葉窮谷饒芳蘭採採不盈掬悠悠懷
所歡故鄉一何曠山川阻且難沈思鍾萬里躑
躑獨吟歎

為顧孝先贈婦 二首

其一

辭家遠行游悠悠三千里京洛多風塵素衣化
為緇脩身悼憂苦感念同懷子隆思亂心曲沈
懽滯不起歡沈難克興心亂誰為理願假歸鴻
翼翻飛浙江汜

其二

東南有思婦長歎充幽閨借問歎何為佳人眇
天末游宦久不歸山川脩且闊形影參商乖音
息曠不達離合非有常譬彼弦與筈願保金石
軀慰妾長饑渴

周夫人贈車騎

碎碎織細練當為君作襦君行豈有願憶君是
妾夫昔者得君書聞君在高平今時得君書聞
君在京城京城華麗鄉璀璨多異端男兒多遠
志豈知妾念君昔者與君別歲律薄將暮日月
一何速素秋墜湛露湛露何冉冉思君隨歲晚
對食不能食臨觴不能飯

艷歌行

扶桑升朝暉照我高臺端臺端多艷麗濬房出

清顏洲貌耀皎日惠心清且閒美目揚玉澤
眉象翠翰鮮膚一何潤秀色若可食窈窕多容
儀婉美巧笑言暮春春服成粲粲綺與紈金雀
垂藻翹瓊珮結瑤璠方駕揚清塵濯足洛水瀾
藹藹風雲會佳人一何敷南崖充羅幕北渚盈
軒軒清川含藻景高岼被華丹馥馥芳袖揮冷
泠纖指彈悲歌吐清音雅韻播幽蘭丹脣含九
秋妍迤凌七盤赴曲迅驚鴻蹈節如集鸞綺態
隨顏變沈姿無定源俯仰紛阿那頽步咸可歡

遺芳結飛飈浮景映清湍冶容不足詠春游良
可歎

前緩聲歌

游仙聚靈族高會曾城阿長風萬里舉慶雲鬱
嗟峨宓妃興洛浦王韓起泰華北徵瑤臺女南
要湘川娥肅肅霄駕動翩翩翠蓋羅羽旗栖瓊
鸞玉衡吐鳴和太容揮高旂洪崖發清歌獻鼎
既已周輕軒乘紫霞總轡扶桑枝濯足暘谷波
清暉溢天門垂慶惠皇家

塘上行

江籬生幽渚微芳不足宣被蒙風雲會移居華
池邊蒺藜玉臺下垂影滄浪淵沾潤既已渥結
根與且堅四節逝不處敷華難久鮮泐氣與時
殞餘芳隨風捐天道有遷易人理無常全男懼
智傾愚女愛衰避妍不惜微軀退但懼蒼蠅前
願君廣末光照妾薄暮年

為願彥先贈婦 四首

陸雲

其一

三才詩話 卷之三
我在三川陽子居五湖陰山海一何曠
譬彼飛與沉目想清惠姿耳存泚媚音
獨寐多遠念寢言撫空衿彼美同懷子
非爾誰為心

其二

悠悠君行邁
粲粲妾獨止
山河安可踰
永路隔萬里
京室多妖冶
粲粲都人子
雅步擢纖腰
巧笑蕤皓齒
佳麗良可羨
衰賤焉足紀
遠蒙眷顧言
銜恩非望始

其三

翩翩飛蓬征
郁郁寒木榮
將止固殊性
浮沉豈一情
隆愛結在昔
信誓貫三靈
秉心金石固
豈從時俗傾
美目逝不顧
纖腰徒盈盈
何用結中欵
仰指北辰星

其四

浮海難為水
游林難為觀
容色貴及時
朝華忌日晏
皎皎彼妹子
灼灼懷春粲
西域善雅舞
總章饒清彈
鳴簧蕤丹脣
朱弦繞素腕
輕裾猶電揮
雙袂如霞散
華容溢藻幄
哀響入雲漢
知音

王臺雜詩 卷之三
世所稀非君誰能讚棄置北辰星問此玄龍煥
時暮復何言華落理必賤

雜詩

張協

秋夜涼風起清氣蕩暄濁蜻蛚吟堦下飛蛾拂
明燭君子從遠役佳人守箴獨離居幾何時鑷
燧忽改木房櫳無行迹庭草萋已綠青苔依空
牆蜘蛛網四屋感物多所懷沈憂結心曲

合懽詩 二首

楊方

其一

虎嘯谷風起龍躍景雲浮同聲好相應同氣自
相求我情與子親譬如形追軀食共並根穗飲
共連理杯衣共雙絲絹寢共無縫裯居願接膝
坐行願携手游子靜我求動子游我無留齊彼
同心鳥譬此比目魚情至斷金石膠漆未為牢
但願長無別合形作一軀生為併身物死為同
擲灰秦氏自言至我情不可儔

其二

磁石列長鍼陽燧下炎烟宮商聲相和心同自

相親我情與子合
 如影追身寢共織
 成彼絮用同功
 綿暑搖比翼扇寒
 坐併肩羶子笑我必
 啣子感我無懼來
 與子共迺去與子同
 塵齊彼蛩蛩獸舉動
 不相捐唯願長無別
 合形作一身生有同
 室好死成併棺民徐
 氏自言至我情不可
 陳

雜詩 三首

其一

獨坐空室中
 愁有數千端
 悲響吞愁歎
 哀涕應

苦心彷徨四顧望
 白日入西山
 不覩佳人來
 但見飛鳥還
 飛鳥亦何樂
 夕宿自作羣

其一

飛黃銜長轡
 翼翼回輕輪
 俯涉淶水澗
 仰過九層山
 俯途曲且險
 秋草生兩邊
 黃華如沓金
 句花如散銀
 青敷羅翠彩
 絳葩象赤雲
 爰有承露枝
 紫榮合素芬
 扶踈垂清藻
 布翹芳且鮮
 目為艷彩迴
 心為奇色旋
 撫心悼孤客
 俯仰還自憐
 踟躕向壁歎
 攬筆作此文

其三

南林有奇樹，承春挺素華。豐翹被長條，綠葉蔽
朱柯。因風吐微音，芳氣入紫霞。我心羨此木，願
從著余家。夕得游其下，朝得弄其葩。爾根深且
堅，余宅淺且洿。移植無良期，歎息將何如。

七夕觀織女

王鑑

牽牛悲殊館，織女怨離家。一稔期一霄，此期良
可嘉。赫弈玄門開，飛閣鬱嵯峩。隱隱驅千乘，闐
闐越星河。六龍奮瑤轡，文螭負瓊車。火丹乘塊

燭，素女執瓊華。絳旗若吐電，朱蓋如振霞。雲韶
何嘈噉，靈鼓鳴相和。亭軒佇高盼，眷予在岌岌。
澤因芳露沾，恩附蘭風如。明珙相從游，翩翩鸞
鷺羅。同游不見觀，念子游怨多。敬因三祝，末以
爾屬皇娥。

朝友人

李充

同好齊歡愛，纏綿一何深。子既識我情，我亦知
子心。嬾婉歷年歲，和樂如瑟琴。良辰不我俱，中
闕似商參。爾隔北山陽，我分南川陰。嘉會罔克

三
後積思安可任目想妍麗姿耳存清媚音脩晝
興永念遙夜獨悲吟逝將尋行役言別涕沾襟
願爾降玉趾一顧重千金

夜聽擣衣

曹晁

寒興御紉素佳人理衣裳冬夜清且永皓月照
堂陰纖手疊輕素朗杵叩鳴砧清風流斂節迴
飈灑微吟嗟此嘉運速悼彼幽滯心二物感余
懷豈但聲與音

擬古詩

陶潛

日暮天無雲春風扇微和佳人美清夜達曙酣
且歌歌竟長歎息持此感人多明明雲間月灼
灼葉中華豈無一時好不久當如何

玉臺新詠卷之三 終

玉臺新詠目錄卷之四

荀朂

擬相逢狹路間

擬青青河邊草

王徽

雜詩 二首

謝惠連

七月七日詠牛女

擣衣

代古

劉鑠

擬行行重行行

擬明月何皎皎

擬孟冬寒氣至

擬青青河邊草

詠牛女

王僧達

七夕月下

顏延年

為織女贈牽牛

秋胡九首

鮑昭

翫月城西門廨中

煌煌京洛行

擬白頭吟

朗月行

東門行

採桑詩

夢還詩

擬古

詠雙燕

贈故人馬子高 二首

王素

學阮步兵體

吳邁遠

飛來雙白鵝

陽春曲

長別離

長相思

鮑令暉

擬青青河畔草

擬客從遠方來

寄行人

古意贈今人

代葛沙門妻鄒小玉作 二首

丘巨源

詠七寶扇

聽隣妓

王融

古意 二首

詠琵琶

詠幌

巫山高

芳樹

迴文詩

蕭諮議西上夜禁

謝朓

贈王主簿 二首

和王主簿怨情

夜聽妓 二首

銅雀臺妓

詠邯鄲故才又嫁為廝養卒婦

秋夜

贈故人

別江水曹

離夜詩

詠燈

詠燭

詠席

詠鏡臺

詠竹火籠

落梅

陸厥

中山王孺子妾歌

邯鄲行

虞羲

自君之出矣

玉臺新詠目錄卷之四 終

王臺新詠卷之四

東海徐陵編

吳興茅元禎重校

擬相逢狹路間

荀彙

朝發邯鄲邑暮宿井陘間井陘一何狹車馬不
得旋邂逅相逢值崎嶇文一言一言不容多伏
軾問君家君家誠易知易知復易博南面平原
居北趣相如閣飛樓臨名都通門槐華郭入門
無所見但見雙栖雀栖雀數十雙鴛鴦群相追
大兄珥金璫中兄振纓綉伏臘一來歸隣里生

王學新言 卷之四
光輝小弟無所作鬪雞東陌達大婦織紈綺中
婦縫羅衣小婦無所作挾瑟弄音徽丈人且郊
坐梁塵將欲飛

擬青青河邊草

熒熒山上火蒼蒼隴左隴左不可至精爽通
寤寐寤寐衾幃因忽覺在他邦他邦各異邑相
逐不相及迷墟在望烟木落知冰堅升朝各自
進誰肯相攀牽客從北方來遺我端弋綈命僕
開弋綈中有隱起珪長跪讀隱珪辭苦聲亦悽

上言各努力下言長相懷

雜詩二首

其一

王徽

棄妾獨何懷傾筐未盈把自言悲若多採却不
肯捨妾悲回陳訴填憂不銷冶寒雁歸所從半
塗失憑假壯情拚驅馳猛氣揮朝社常懷雲漢
慚常欲復周雅重名好銘勒輕軀願圖寫萬里
席沙漠懸跣蹈朔野傳聞兵失利不見來歸者
奚處理於麾何處喪車馬拊心悼恭人零淚覆

王臺雜言 卷之四 二
面下徒謂久別離不見長孤寡寂寂掩高門
寥空廣廈待君竟不歸收顏今就價

其二

思婦臨高臺長想憑華軒弄弦不成曲哀歌送
苦言箕箒留江介良人處雁門詎憶無衣苦但
知狐白溫日暗牛羊下野雀滿空園益冬寒風
起東壁正中昏朱火獨照人花景自愁怨誰知
心曲亂所思不可論

七月七日詠牛女

謝惠連

落日隱簷楹升月照房櫳團團滿葉露浙浙振
條風蹀足循廣塗瞬目曬曾窮雲漢有靈匹彌
年關相從遐川阻暱愛脩渚曠清容弄杼不成
藻聳轡驚前縱昔離秋已兩今聚夕無雙傾河
易迴幹欵顏難久悰沃若靈駕旋窈窕雲幄空
留情願華寢遙心逐奔龍沈吟為爾感情深意
彌重

擣衣

衡紀無淹度晷運倏如催白露滋園菊秋風落

庭槐肅肅莎雞羽烈烈寒蟬啼夕陰結空幕霄
月皓中閨美人戎裳服端飾相招攜簪玉出北
房鳴金步南階櫛高砧響蕢楹長杵聲哀微芳
起兩袖輕汗染雙題紈素既已成君子行未歸
裁用筭中刀縫為萬里衣盈筐自予手幽絨俟
君開腰帶唯疇昔不知今是滌

代古

容從遠方來贈我鵠文綾貯以相思篋緘以同
心繩裁為親身服着以俱寢與別來經年歲歡

心不可凌瀉酒置井中誰能辨斗升合如杯中
水誰能判淄澠

擬行行重行行

劉鑠

眇眇凌長道遙遙行遠岐迴車背京邑揮手從
此辭堂上流塵生庭中綠草滋寒蟬翔水曲秋
兔依山基芳年有華月佳人無還期日夕涼風
起對酒長相思悲蕤江南調憂委子衿詩臥看
明燈晦坐見輕紈緇淚容不可飾幽鏡難復治
願垂薄暮景照妾桑榆時

擬明月何皎皎

落宿半遙城浮雲藹曾闕玉宇來清風羅帳延
秋月結思想伊人沉憂懷明發誰謂行客久屢
見流芳歇河廣川無深山高路難越

擬孟冬寒氣至

白露秋風始秋風明月初明月照高樓白露皎
亥除迨及涼風起行見寒林踈客從遠方至贈
我千里書先敘懷舊愛末陳久離居一章意不
盡三復情有餘願遂平生志無使甘言虛

擬青青河邊草

淒淒含露臺肅肅迎風館思女御櫺軒哀心徹
雲漢端撫悲弦泣獨對明燈歎良人久遙役耿
介終昏旦楚楚秋水歌依依採菱彈

詠牛女

秋動清風扇火移炎氣歇廣欄含夜陰高軒通
夕月安步尋芳林傾望極雲關組幕縈漢陳龍
駕凌霄發誰云長河遙頗覺促延悅沈情未申
寫飛光已飄忽來對眇維期今歡自滋沒

七夕月下

王僧達

遠山歛雰殺廣庭揚月波氣往風集隙秋還露
涔柯節氣既已屨中霄振綺羅來歡詎終夕收
淚泣分河

為織女贈牽牛

顏延年

婺女儷經星嫦娥棲飛月慙無二媛靈託身侍
天關閭闔殊朱暉咸池豈沐髮漢陰不夕張長
河為誰越雖有促讌期方須涼風發虛計雙曜
周空遲三星沒非怨杼軸勞但念芳菲歇

秋胡九首

其一

倚梧傾高鳳寒谷待鳴律影響豈不懷自遠每
相匹婉彼幽閒女作嬪君子室峻節貫秋霜明
艷侔朝日嘉運既我從欣願自此畢

其二

燕居未及懽良人願有違脫巾千里外結綬登
王畿戒塗在昧旦左右來相依驅車出郊郭行
路正威遲存為久離別沒為長不歸

其三

嗟余怨行役三陟窮晨暮嚴駕越風寒解鞍犯
霜露原隰多悲涼迴飈卷高樹離獸起荒蹊驚
鳥縱橫去悲哉游宦子勞此山川路

其四

迢遙行人遠婉轉年運徂良時為此別日月方
向除孰知寒暑積僂俛見榮枯歲暮臨空房涼
風起坐隅寢興日已寒白露生庭蕪

其五

勤役從歸顧反路遵山河昔辭秋未素今也歲
載華忝月觀時暇棄野多經過佳人從所務窈
窕援高柯傾城誰不顧彌鄣停中阿

其六

年往誠思勞路遠闊音形雖為五載別相與昧
平生捨車遵往路鳧藻馳目成南金豈不重聊
自意所輕義心多苦調密比金玉聲

其七

高節難久淹竭來空復辭遲遲前途盡依依造

門基上堂拜嘉慶入室問所之日暮行採歸物
色桑榆時美人望昏至暫歎前相持

其八

有懷誰能已聊用申若難離居殊年歲一別阻
河關春來無時豫秋至恒早寒明發動愁心閨
中起長歎慘悽歲方晏日落游子顏

其九

高張生絕弦聲急由調起自昔枉光塵結言固
終始如何久為別百行悠諸已君子失明義誰

與借沒齒愧彼行露詩甘之長川記

翫月城西門解中

鮑照

始見西南樓纖纖如玉鈎末暎東北墀娟娟似
蛾眉蛾眉蔽朱櫳玉鈎隔綺窓三五二八時千
里與君同夜移衡漢落徘徊帷幌中歸華先委
露別葉早辭風客游厭辛苦仕子倦飄塵休澣
自公日宴慰及私晨蜀琴抽白雪郢曲繞陽春
肴乾酒未缺金壺啓夕淪迴軒駐輕蓋留酌待
情人

王臺新詠 卷之四
煌煌京洛行

鳳樓十二重四戶八綺窓繡榻金蓮華柱柱玉
盤龍珠簾無隔露羅幌不勝風寶帳三千所為
爾一朝容揚芬紫烟上垂綵綠雲中春吹迴白
日霜歌落塞鴻但懼秋塵起盛愛逐衰蓬坐視
青苔滿卧對錦筵空琴瑟縱橫散舞衣不復縫
古來皆歎薄君意豈獨濃唯見雙黃鵠千里一
相從

擬白頭吟

直如朱絲繩清如玉壺冰何慙宿昔意猜恨坐
相仍人情賤恩舊世議逐衰興毫髮一為瑕丘
山不可勝食苗實碩鼠點白信蒼蠅鳧鵠遠成
美薪芻前見凌申黜褒女進班去趙姬昇周王
日淪惑漢帝益嗟稱心賞猶難恃貌恭豈易憑
古來共如此非君獨撫膺

朗月行

朗月出東山照我綺窓前窓中多佳人被服妖
且妍靚妝坐帷袖當戶弄清弦鬋奮衛女迅體

絕飛燕先為君歌一曲當作朗月篇酒至顏自
解聲和心亦宣千金何足重所存意氣間

東門行

傷禽惡弦驚倦客惡離聲離聲斷客情賓御皆
涕零涕零心斷絕將去還復訣一息不相知何
况異鄉別遙遙征駕遠杳杳白日晚居人掩閨
卧行子中夜飯野風吹草木行子心腸斷食梅
常苦酸衣葛常苦寒絲竹徒滿座憂人不解顏
長歌欲自慰彌起長恨端

採桑詩

季春梅始落女工事蚕作採桑淇水聞還戲上
宮闈早蒲時結陰晚篁初解籜藹藹霧滿閨融
融景盈幕乳燕逐草蟲巢蜂拾華萼景節最暄
妍佳服又新爍歛歎對迫塗揚歌弄塲藿抽琴
拭紵思薦珮果成託承君郢中美服義久心諾
衛風古愉艷鄭俗舊浮薄虛願悲渡湘宓賦笑
灑洛盛明難重来淵意為誰酒君其且調弦桂
酒妾行酌

夢還詩

銜淚出部門撫劍無人遠沙風闌塞起離心眷
鄉畿夜分就孤枕夢想暫言歸孀婦當戶歎縹
絲復鳴機慊款論久別相將還綺幃歷歷簷下
涼朧朧窓裏暉刈蘭爭芬芳採菊競歲蕤開奩
集香蘇探袖解纓微寐中長路近覺後大江遠
驚起空歎息恍惚神魂飛白水滂浩浩高山壯
巍巍波潮異往復風雲改榮衰此土非吾土慷
慨當訴誰

擬古

河畔草未黃胡鷹已矯翼秋蟲挾戶吟寒婦成
夜織去歲征人還流傳舊相識聞君上隴時東
望久歎息宿昔改衣帶旦暮異容色念此憂如
何夜長愁更多明鏡塵匣中寶瑟生網羅

詠雙燕

雙燕戲雲崖羽翮始差池出入南閨裏經過北
堂陸意欲巢君幕層楹不可窺沉吟芳歲晚徘徊
韶景移悲歌辭舊愛銜泥覓新知

王臺雜言 卷之四
贈故人馬子高 二首

其一

寒灰滅更燃夕華晨更鮮春冰雖暫解冬冰還
復堅佳人捨我去賞愛長絕緣歡至不留時每
念輒傷年

其二

雙劍將別離先在匣中鳴烟雨交將夕從此遂
分形雌沉吳江水雄飛入楚城吳江深無底楚
關有崇扃一為天地別豈直限幽明神物終不

隔千祀儻還并

學院步兵體

王素

沉情蕞遐慮紆鬱懷所思髣髴聞簫管鳴鳳接
羸姬聯綿共雲翼嫵婉相攜持寄言芳華士寵
利不常期涇渭分清濁視彼國風詩

飛來雙白鵠

吳邁遠

可憐雙白鵠雙雙絕塵氛連翩弄光景交頸游
青雲逢羅復逢繳雌雄一旦分哀聲流海曲孤
叫絕江濱豈不慕前侶為爾不及羣步步一零

淚千里猶待君樂哉新相知悲矣生別離持此
百年命共逐寸陰移譬如空山草零落心自知

陽春曲

百里望咸陽知是帝京邑綠樹搖雲光春城起
風色佳人愛華景流靡園塘側妍姿艷月映羅
衣飄蟬翼宋玉歌陽春巴人長歎息雅鄭不同
賞那令君愴惻生平重愛惠私自憐可極

長別離

生離不可聞况復長相思如何與君別當我盛

年時蕙花每搖蕩妾心空自持榮蕃草木惟悴
極霜露悲富貴貌難變貧賤顏易衰持此斷君
腸君亦且自疑淮陰有逸將折羽謝翻飛楚有
扛鼎士出門不得歸正為隆準公杖劍入紫微
君才定何如白日不爭暉

長相思

晨有行路客依依造門端人馬風塵色知從河
塞還時我有同栖結宦游邯鄲將不異客子分
飢復共寒煩君尺帛書寸心從此彈道妾長慙

悴豈復歎笑顏簷隱千霜樹庭枯十載蘭經春
不舉袖秋落寧復看一見願道意君門已九闕
虞卿棄相印擔筇為同歡閨陰欲早霜何事空
盤桓

擬青青河畔草

鮑令暉

裊裊臨窓竹藹藹垂門桐灼灼青軒女泠泠高
堂中明志逸秋霜玉顏掩春紅人生誰不別恨
君早從戎鳴弭慙夜月紺黛羞春風

擬客從遠方來

客從遠方來贈我漆鳴琴木有相思文弦有別
離音終身執此調歲寒不改心願作陽春曲宮
商長相尋

寄人行

自君之出矣臨軒不解顏砧杵夜不發高門畫
常闕帳中流熠燿庭前華紫蘭楊枯識節異鴻
來知客寒游暮冬盡月除春待君還

古意贈今人

寒鄉無異服氊褐代文練月月望君歸年年不

解綻荆楊春早和幽冀猶霜霰北寒妾已知南
心君不見誰為道辛苦寄情雙飛燕形迫杼煎
絲顏落風催電容華一朝改唯餘心不變

代葛沙門妻鄣小玉作 二首

其一

明月何皎皎垂幌照羅茵若共相思夜知同憂
怨晨芳華豈矜貌霜露不憐人君非青雲逝飄
迤事咸秦妾持一生淚經秋復度春

其二

君子將遙役遺我雙題錦臨當欲去時復留相
思枕題用常着心枕以憶同寢行行日已遠轉
覺思彌甚

詠七寶扇

丘巨源

紗縞貴東夏巧媛出吳闈裁如白玉璧縫似明
月輪表裏鏤七寶中銜駭雞珍畫作景山樹圖
為河洛神來迺揮握玩入與環釧親生風長袖
際晞華紅粉津拂眇迎嬌意隱映含歌人時移
務忘故鄣改競存新卷情隨象簞舒心謝錦茵

厭歇何之道敬哉先後晨

聽隣妓

披衽之游術憑軾寡文才蓬門長自寄虛席視
生埃貴里臨倡館東隣歌吹臺雲間嬌響徹風
未艷聲來飛華瑤翠幄揚芬金碧杯久絕中州
美從念尸鄉友遺情悲近母中山安在哉

古意二首

王融

其一

游禽暮知返行人獨不歸坐銷芳草氣空度明

月輝頻容入朝鏡思淚點春衣巫山綉雲沒淇
上綠楊稀待君竟不至秋雁雙雙飛

其二

霜氣下孟津秋風度函谷念君淒已寒當軒卷
羅縠織手廢裁縫曲鬢罷膏沐千里不相聞寸
心鬱氛氲况復飛螢夜木葉亂紛紛

詠琵琶

抱月如可明懷風殊復清絲中傳忘緒花裏寄
春情掩抑有奇態悽鏘多好聲芳袖幸時拂龍

門空自生

詠暢

幸得與珠綴幕歷君之楹月映不辭卷風來輒
自輕每聚金鑪氣時駐玉琴轂但願置尊酒蘭
缸當夜明

巫山高

想像巫山高薄暮陽臺曲烟霞乍舒卷蘅芳自
斷續彼美如可期寤言紛在矚惘然坐相思秋
風下庭綠

芳樹

相望早春日烟華雜如霧復此佳麗人含情結
芳樹綺羅已自憐萱風多有趣去來徘徊者佳
人不可遇

迴文詩

枝大柳塞此葉暗榆關東垂條逐絮轉落葉散
花叢池蓮照曉月暢錦拂朝風低吹雜綸羽薄
粉艷粧紅離情隔遠道歎結深閨中

蕭諮議西上夜禁

徘徊將所愛惜別在河梁衿袖三春隔江山千里長寸心無遠近邊地有風霜勉哉勤歲暮敬矣慎容光山中殊未憚杜若空自芳

贈王主簿

二首

謝眺

其一

日落窓中坐紅粧好顏色舞衣襞未縫流黃覆不織蜻蛉草際飛游蜂花上食一遇長相思願寄連翩翼

其二

清吹要碧玉調弦命綠珠輕歌急綺帶含笑解羅襦餘曲詎幾許高駕且踟躕徘徊憐暮景惟有洛城隅

和王主簿怨情

掖庭聘絕國長門失懽讌相逢詠靡蕪辭寵悲團扇花叢亂數蝶風簾入雙燕徒使春帶賒坐惜紅粧變平生一顧重夙昔千金賤故人心尚爾故心人不見

夜聽妓

二首

其一

瓊閨釧響聞瑶席芳塵滿要取洛陽人共命江
南管情多舞態遲意傾歌弄緩知君密見親寸
心傳玉腕

其二

上客光回座佳麗直千金掛釵報纓絕墮珥
琴心蛾眉已共笑清香復入衿歡樂夜方靜翠
帳垂沉沉

銅雀臺妓

總幃飄井幹樽酒若平生鬱鬱西凌樹詎聞
吹聲芳襟染淚迹嬋媛空復情玉座猶寂寞况
乃妾身輕

詠邯鄲故才人嫁為廝養卒婦

生平宮閣裏出入侍丹墀開筵方羅縠窺鏡比
蛾眉初別意未解去久日生悲顛顛不自識媼
羞餘故姿夢中忽騎驄猶言承讌私

秋夜

秋夜促織鳴南隣擣衣急思君隔九重夜夜空

佇立北窓輕幌垂西戶月光入何知白露下坐
視前堦濕誰能長分居秋盡冬復及

贈故人

芳洲有杜若可以慰佳期望望忽超遠何由見
所思我行未千里山川已間之離居方歲月佳
人不在茲清風動簾夜孤月照窓時安得同携
手酌酒賦新詩

別江水曹

山中上芳月故人清樽賞遠山翠百重迴流映

千丈花枝聚如雪垂藤散似網別後能相思何
嗟異風壤

離夜詩

玉繩隱高樹斜漢映層臺離堂華燭盡別幌清
琴哀翻潮尚知恨客思眇難裁山川不可盡况
乃故人杯

詠燈

簇翠斜漢裏蓄寶宕山峯抽莖數仙掌銜光似
燭龍飛蛾再三繞輕花四五重孤對相思夕空

照舞衣縫

詠燭

杏梁賓未散
桂宮明欲沉
曖色輕帷裏
低光照寶琴
徘徊雲鬢影
灼爍綺躡金
恨君秋月夜
遺我洞房陰

詠席

本生朝夕池
落景照參差
汀洲蔽杜若
幽渚奪江籬
遇君時採擷
玉座奉金卮
但願羅衣拂
無使素塵彌

詠鏡臺

玲瓏類丹檻
若亭似玄關
對鳳懸清冰
垂龍掛明月
照粉拂紅粧
插花理雲髮
玉顏徒自見
常畏君情歌

詠竹火籠

庭雪亂如花
井冰築成玉
因炎入貂袖
懷溫奉芳蔀
體密用宜通
文斜性非曲
暫承君王旨
請謝陽春旭

落梅

新葉何冉冉初蕊新霏霏逢君後園讌相隨巧
笑歸親勞君玉指擿以贈南威用持插雲髻翡翠
比光輝日暮長零落君恩不可追

中山王孺子妾歌

陸厥

如姬卧寢內班妾坐同車洪波陪飲帳林光宴
秦餘歲暮寒飈及秋水落美棄子瑕矯後駕安
陵泣前魚賤妾終已矣君子之焉如

邯鄲行

趙女擲鳴琴邯鄲紛躡步長袖曳三街兼金輕

一顧有美獨臨風佳人在遐路相思欲褰社業
臺日已暮

自君之出矣

虞羲

自君之出矣楊柳正依依君出無消息惟見黃
鸝飛關山多險阻士馬少光輝流年無止極君
去何時歸

玉臺新詠卷之四

姑蘓

徐晉書

王學

卷之四

三



程